

國方志叢書·華中地方·第九一七號

據

清·曾毓璋等修
清同治六年刊本

影印

江 西 省

廣昌縣志

(一)

成文出版社有限公司印行



本書承

日本國會圖書館以所藏稿本借攝
謹誌並致謝忱

廣昌縣志

本衙藏板

同治六年丁
卯仲秋開雕

序

天下事以衆成以獨斷不
用衆力弗給不內斷議多
梗廣昌縣志自康熙癸亥
迄今百八十四年道光辛

卯先大夫受恬公履任倡
修構遺書二補苴罅漏垂
成以費未集受代促中寢
爰序正之一藏學宮一
存禮科以待後遂無言志

事者同治乙丑璋重蒞此
時戎馬倥傯軍興旁午日
不暇給丙寅夏防兵去農
歸業時和年豐適

朝廷命徵志璋慨然父志未成

不孝

朝命弗供不忠不孝不忠無子

臣理即日具書帖搜求舊
志久之於魏副貢家得沈
志十存五又久之於羅孝

廉家得王志十存八喜甚
蓋邑中書盡是矣於是
以王志斷沈志之疑以
沈志補王志之略參訂
舊聞前事幾備乃命吏
人刻日抄

書梓人刻日鐫字告示遠
近商訂僚采紳耆或箴予
曰就之急必率採不備必
遺率且遺為識者譏璋於
是喟然嘆曰嗟乎廣邑百

餘里鍾毓之靈分邑七百
年廢興之故其間吏治人
物所以昭示來茲者僅存
碩果設使更數十年虫鼠
嚙噬風雨漂搖並區區者

而不予畀後之人復何所
攷而何所傳耶又使雍乾
嘉道間留一率且遺之舊
本又何至蕩然漸滅如今
日也璋為此懼盡校勘於

一心是者存不是者去率
不率所不知也諭採訪於
四境來者錄不來者聽遺
不遺非所計也且予亦非
以率且遺自封也後有作

者出如王志之繼沈十餘
年重修可也又使四境之
採訪陸續偕來即以付於
補遺亦可也璋內迫於父
志上凜於

朝命萬不可需因獨斷之以速

其成

同治丁卯仲秋月穀旦

誥授奉政大夫加同知升銜知
廣昌縣事加三級紀錄二

次湘西曾毓璋潤甫氏序
於清徽嗣響堂



廣昌縣志舊序

何文淵序 李喬序 黃德純序 沈寅序

何三省序 王維翰序 王景升序 曾興仁序

明正統庚申冢宰東園何文淵重修志序

吾廣邑爲縣宋紹興八年安撫使李綱始析南豐縣之半而建是邑東隣南豐西接甯都石城甯化界於南宜黃南豐環於北四境之內山高而秀麗水深而清潔不在奇花異物渾淪磅礴之氣獨鍾於人以故人皆質直有氣好自卓立雖貧苦幼弱未嘗屈伏依傍於人未析